

JOSCELINI EPISTOLÆ

(DUCHESNE, Script. rer. Franc., IV, 640.)

I.

Ad Ludovicum VII Francorum regem.

Excellentissimo domino suo Ludovico, Dei gratia magnifico Francorum regi, Jos., Turonensis humili minister, salutem et ab eo salutari qui dat salutem regibus

Sicut ex canoniciis ecclesie Beati Martini, et eis qui tunc in capitulo astabant, accepimus, quod de quibusdam querelis, quæ adversus decanum fidelem nostrum thesaurarius et pars ejus habebant, deca dus obtulit se stare judicio capitulo, et capitulo judicio emendare, quia nullius juris est dum aliquis canoniconum ecclesiæ judicio capitulo stare noluerit, quod super eum vacet ecclesia a divinis. Thesaurarius vero et pars ejus illud repudiaverunt. Unde ad vestram decanus appellavit audientiam, quoniam ea quæ in querela erant ad feodium vestrum pertinebant. Licit igitur mandatum vestrum thesaurarius præsentialiter et pars ejus acceperint : licet etiam decanus fidelissimus vester in capitulum venerit, et ibidem se ad omnem justitiam obtulerit, sicut ab iis qui interfuerunt didicimus, mandatum vestrum, gloriose rex noster, non est mandatum executioni. Volunt enim prius investiri a decano, aut jure aut injuria, quam auditum sit an debeant investiri. Supplicantes igitur regiae majestati, de qua plene confidimus, rogamus et petimus, quatenus in manu regia, et sicut abbas ejusdem ecclesiæ, thesaurario obnixe præcipiat, et capitulo, quod suum ecclesiæ restituant servitium, et deinde in capitulo a decano accipient justitiam. Quod nisi effectui voluerint mancipare, quid agendum extiterit, quid vestro honori conveniat, regiam non credimus excellentiam ignorare. Valeat regnum vestrum.

II.

Ad eundem.

Dulcissimo patri et domino Ludovico, Dei gratia illustri regi Francorum. Jos., Turonensis Ecclesiæ minister indignus, ab eo salutari qui dat salutem regibus.

Quod cum tanta precum instantia æpenuniero aures pietatis vestræ pulsamus, gravis necessitas nos compellit, adeo quod nisi nos invincibilis alteratio negotiorum detineret, nihil est quod adeo fer verat in pectore nostro quam favorabilem aspectum vestræ dulcedinis visitare ; plurimum confidentes, quod nostri doloris angustias vestræ pietatis liniret affectus. Ab illis enim, qui nos specialiter intuitu vestro deberent defendere propensius ac tueri, tanquam de vobis hæc haberent, gravamur instantius

A et turbamur. Occasione etenim cuiusdam burgi quem ex patris vestri et vestra donatione sibi vindicare contendunt, in Ecclesia beati Petri Puellaris Iura nostra nobis auseerre nituntur : cum nec vestro, nec patris vestri privilegio, nec viva voce valeant hoc probare, quod aliquid de jure nostro nisi violenter debeant obtinere. Vestram itaque excellentiam, a cuius largitione, et sub cuius solius patrocinio nostra sunt omnia, attentius exoramus, iterato supplicantæ, quatenus amici vestris dominis cardinalibus et domino papæ si placaret significaretis, quod nihil penitus de jure archiepiscopi, et maxime in spiritualibus, quæ ad vos pertinere non possunt, eis concessistis, nec concedere potuistis. Iterato rogantes, ut nos, qui in gravi multitudine hic moramur et expensis, vestro saltem intuitu iudicio vel concordia quam cilius expedirent. Quantam etenim de vobis considere debeamus, merita rerum potius quam verborum expositio manifestat. Valeat et duret in longum nobis et Ecclesiæ vestre prosperitas.

B

III.

Ad eundem.

Excellentissimo domino suo Ludovico Dei gratia illustri Francorum regi, Jos., Turonensis humili minister, ab eo salutari qui dat salutem regibus.

Ad regale subsidium, ubi nunquam spes nostra confunditur, toties recurrimus, gloriose Rex noster, quoties aut regni, aut honoris nostri præsentimus læsionem. Migravit nuper a saeculo abbas Sancti Juliani Turonensis, cuius monasterium de regali vestro est et nostro fundatum penitus, et nos abbatiam ipsam a vobis specialiter habemus, nullumque habent præter me advocationem, et ad nos sicut ad principem suum debent de electione sua intendere. Verum tamen de æmulis nostris quidam auribus monachorum instillant aliter, vestras dignitati et nostra quod sui est dominii derogantes. Animadvertisse igitur, princeps noster, ne quod vestrum est ad alterius transeat principatum. Monachis illis regali præceptio firmiter injungite, quod sicut a fundatione Ecclesiæ in omnibus abbatum electionibus Turonensi archiepiscopo semper intenderunt, ita mode intendant, nihilque novi immutare præsumant. Quod D si vestro mandato non acquieverint, omnia vestra, sicut deceat regem, eis interdicatis regalia, ut et alii qui ad hujusmodi scelus aspiraverint, de consimil terreantur. Petimus etiam supplicantæ, quod super facto isto domino papæ litteras vestras dirigatis, sicut latores præsentium postulaverunt : quorum

verbis tanquam fidelium vestrorum vos fidem adhibere supplicamus.

IV.

Ad eundem.

Excellentissimo domino suo Ludovico, Dei gratia illustri Francorum regi, Jos., Turonensis humilis minister, salutem et ab eo salvati qui dat salutem regibus.

Non sine magna admiratione, gloriose rex noster, possumus præterire, quod priori Castri fortis, et quibusdam complicibus ejus monachis nullius momenti aures suas inclinaverit vestra sublimitas. Absit, quæsumus, quod per tales personas regia discretio amplius seducatur. Volumus namque vos novisse, quod causa, quam adversus abbatem suum, virum probatissimæ opinionis, arripere præsumperant, dominus papa nobis, et Andegavensi episcopo, et abbati Majoris Monasterii, commisit audiendam, et fine canonico terminandam. Convenimus igitur nos, quibus causa funeralis delegata, ad Burguliense monasteriu[m], ibique die assignato præfatum priorem de vita abbatis et super hoc quod ei imponebat, inquisivimus. At ipse non habuit quid mularet, sed prostratus ad pedes nostros misericordiam postulavit. Quia igitur universi ejusdem monasterii monachi in priorem præstatum et complices ejus ultionem conelamabant unani[er]iter, præsertim cum et prioris illius, et aliorum qui faciebant cum eo, defectus esset in propatulo, a proprio monasterio tam priorem quam monachos exterminavimus in perpetuo, et eos quoisque litteras proscriptionis suæ, quam meruerant, a nobis reciperent, anathemate innodavimus. Si vestro ulterius apparuerint in conspectu, avertite faciem vestram ab eis, quoniam malignus spiritus est in ore ipsorum. Valeat regnum vestrum.

V.

Ad eundem.

Excellentissimo domino suo Ludovico, Dei gratia illustri Francorum regi, Jos., Turonensis Ecclesiæ humilis minister, salutem ab eo qui dat salutem regibus.

Quam propria, quam benigna regia nobis semper exstiterit excellentia, beneficiorum frequentia faciente vix aut scimus aut possumus recordari. Illud autem, gloriose rex noster, duco celerius memorandum, quod nuper cum in causa essemus domino papæ pro nobis regia scripta direxistis, et per vos factum est ut labor noster celerem consequeretur effectum. Euinvere causa nostra fuit terminata iudicio, et ratione cogente ius nostrum apostolica recognovit auctoritas, et nobis nostra adjudicata est possessio et privilegio confirmata. Verumtamen cum exsecutioni dehincisset apostolica mandari sententia, cum ad ecclesiam Sancti Petri ex mandato domini papæ, secundum quod judicatum fuerat, accederemus, canonici Beati Martini adversum nos insurgentes, castri vestri et parochiæ nostræ nobis portas clauerunt. Quantis dolor, quanta sit amaritudo, quanta sit nobis illata injuria, animi pertur-

batio enarrare non permittit. Nuntius noster canonicus Ecclesiæ Turonensis plenius declarabit. Verbis ipsius auris vestra mansuetam rogo se exhibeat, et tanquam nobis illi credat, cuius in ore verba nostra posuimus. Valeat regnum vestrum.

VI.

Ad eundem.

Amantissimo patri et domino digne reverendo Ludovico, Dei gratia illustri Francorum regi, Jos., Turonensis Ecclesiæ minister humilis, seipsum et ab eo salvati qui dat salutem regibus.

Quantum illustres vestri progenitores et proavi magnifici reges Francorum Ecclesiæ Dei devoti semper extiterint et fideles, quanta ei commoda et devotionis obsequia exhibuerint, nos ex multis utilitatibus et magnis, quæ per eos provenerunt, manifeste cognovimus. Novit et hoc tota plenius Galliana Ecclesia, neverunt et omnes qui justitiam collunt et diligunt veritatem. Vos itaque progenitorum vestrorum laudabilis imitator, et paternarum virtutum verus successor et haeres, ad eorum exemplum singularem et unicam matrem Ecclesiam Dei, ex quo regnum vestre communissimum est excellentia, gubernandum propensius dilexit, et in tribulationibus suis fideliter assistendo, nihil est unquam quod a devotione ipsius et subventione regium potuerit animum retardare. Unde nos videremur totius humanitatis oblii, nisi vestro et regni vestri honori, augmentatione, et promotioni essemus solliciti omni tempore dignissime respondere, et pro tam ardenti servore charitatis, vestre voluntati semper intendere curaremus. Cum igitur ad honorificentiam regiae majestatis et officium speciei, Ecclesiæ et ecclesiasticas venerari personas, et perversis ad injusta erumpentibus adiutum inhibere, vestre benignitatis clementiam, quam in hac parte serventem invenimus et devotam, pro dilectissimo filio nostro Am. venerabili abbate Burguliensi, secure duximus exorandam: ut si quis auctor injuriarum, et perversitatis executor aliquid sinistrum, vel honestati contrarium de ipso in auribus vestre celsitudinis, quod absit! intimare præsumperit, in conspectu vestre majestatis tanquam organum falsitatis obmutescat, et infra sanctuarium pectoris vestri sermones detractorum in servum Jesu Christi nullam inveniant occasionem malignandi. Super hoc enim Deum, qui videt in abscondito, testem habemus, quia secundum quod humana fragilitas nobis sciare permittit, prænominatus filius noster albas apud Deum et homines illæsa opinionis est, vitæ et conversationis integerrimæ. Qui cum ad hujusmodi cogeretur oneris dignitatem, et monasterium in extremis fere palpitans expiraret, bona ipsius per incuriam quorundam alienata revocans plurimum dilatavit, et tanquam pius Pater utriusque homin's hinc inde pia pauula vitæ subministrans, juxta beati Benedicti Regulam in spiritualibus ordinem resoravit. Insuper in omnibus nostris opportunitatibus,

omni tempore servens exstitit et devotus, et in his A dilectio nunquam apparuit otiosa. Valeat et duret quæ ad honorem vestrum pertinere noscuntur, ejus in longum nobis et Ecclesiæ suæ vita vestra.

ANNO DOMINI MCLXXIV

HENRICI ARCHIDIACONI

HISTORIA

CALAMITATUM ECCLESIE SALZBURGENSIS

AD ADELBERTUM ARCHIEPISCOPUM

(R. P. Bern. PEZIUS, *Anecdota*. II, III, 197)

MONITUM.

De auctore *Historie calamitatum Ecclesie Salzburgensis* Adilberto seu Alberto archiepiscopo et Friderico I imperatore inquirendum est. Ipse in fronte opusculi sui sola littera H. nomen suum innuit potius quam exprimit. Nisi tamen valde fallimur, is. H. nullus alias est quam Heinricus præpositus Berchtersgadensis, qui anno 1174, ejecto Adilberto, archiepiscopatum Salzburgensem administravit, ut videtur est tum in *Chronico Salzburgensi Canisiano* tom. VI *Antiq. Lect.*, tum Peziano tom. I *Script. rerum Anstriacarum*, col. 345; tum denique apud Ilundium et Gewoldum in *Metropoli Salzburg.*, tom. I et II. Certe H., quisquis demum fuerit, capite ultimo manifeste nos docet, singularem ecclesiastice discipline curam in archiepiscopatu Salzburgensi, absente Adilberto, suscepisse se, in quo archidiaconum se vocal, cuius tanta dignitas est, ut episcopi vicarius dicatur in *Ordine Romano*, ut qui vices episcopi in illis diebus exerceretur, et *Ecclesiarum visitandarum ipius loco curam suscipitur*, ut auctor est Carolus Du Fresne in *Glossario*, verbo *Archidiacionus*. Quæ omnia quam egregie Heinrico, pro Adilberto archiepiscopatum moderanti, convenient, nemo non videt. Denique in neminem æquius Adilberti exsulii archiepiscopi suspicio cadere potuit insidiarum et machinationum, quam in Heinricum, favente Friderico Cesare in administratione archiepiscopatus sibi suspectum, a qua tamen labe H. iam in præfatione quam toto opusculo se integrum præstare annuitur.

PRÆFATIO.

Domino suo A. Salzburgensi archiepiscopo H. devotus et fidelis clericus ejus, in omnibus adversitatibus suis spiritum consolationis et salutis.

Missis per dominum decanum Salzburgensem excusationum mearum litteris spero Deo, auxiliante, sufficienter me apud clementiam vestram contra delatorum meorum vanas susurrationes, et insidias purgatum, ita ut in numero eorum, qui contra honorem vestrum insidiati, vel machinati dicuntur, prorsus ego teneri non debeam: a quorum consilio ita alienus sum, ut teste Domino omnipotente scrutatore rerum et cordis, personas, nomina, et conspirationes nec unquam cognoverim, nec fraudis conscius fuerim. Idcirco nunc ad alia vobis scribenda animum intendi, stylumque converti, quæ tanto vobis gratiora esse confido, quo ea de corde nihil adversum vos duplicitatis habente, quæ scripta sunt, manasse, scire, et veraciter credere debet prudentia vestra: quibus legendis, ut parvulam horam impendatis exoratum vos esse volo.

B CAP. I. *Occulto Dei consilio cuncta mala temperantur. Occasio malorum in Ecclesia Salzb. emergentium dirum schisma fuit ab imperatoribus excitatum, et a quo sola Ecclesia Salzburg. se immunem et puram praeservit.*

In omnibus tribulationibus et pressuris, quas pati coepistis, mox ut in Salzburgensis episcopatus cathedram sublimatus estis, sollicite et sapienter cogitare debet animus vester, non ab homine, sed a Deo causam ejusdem tribulationis surrexisse, ut merito dicatis gratias agens Deo: *Beatus homo, quem tu erudieris, Domine, et de lege tua docueris eum, ut mitiges ei a diebus malis* (*Psal. xcii*). Divina siquidem providentia circa electorum suorum salutem pie sollicita, malitiam hominum inique saevientium et persequentium convertere ad utilitatem eorum, qui tribulantur, novit: sicut etiam novit percussiones mallei universæ terræ, id est diaboli, virtute sua ita moderari, ut fideles ipsius sub eo non conterantur, sed erudiantur.

Recognoscat itaque prudentia vestra aliam suiss intentionem in pressuris vestris domini imperatoris, atque aliam illius, in cuius manu est cor regis.